



## JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 226 575  
Centrala: 032 405-133 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Zenica, 21.12.2021. godine.  
Broj: 32-~~04-8220~~ /21

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

### ODLUKU

#### I

**PONIŠTAVA SE POSTUPAK** javne nabavke radova – rekonstrukcija prostora Odjela nuklearne medicine JU Kantonalna bolnica Zenica uz formiranje prostorije za smještaj gamma kamere i čekaonice u skladu sa članom 69. stav (2) tačka e) Zakona o javnim nabavkama BiH, **iz razloga što je cijena prihvatljivih ponuda znatno veća od osiguranih sredstava za predmetnu nabavku.**

#### II

Javna nabavka je provedena putem otvorenog postupka, tender broj: 13-65/21.

#### III

Ova odluka stupa na snagu danom donošenja

### Obrazloženje

Dana 16.11.2021. godine donesena je Odluka o izboru najpovoljnijeg ponuđača, broj: 32-04-7357/21 u predmetu nabavke radova rekonstrukcija prostora Odjela nuklearne medicine JU Kantonalna bolnica Zenica uz formiranje prostorije za smještaj gamma kamere i čekaonice, sa cijenom ponude od 34.984,80 KM bez PDV-a.

Nakon pravosnažnosti predmetne Odluke, dana 02.12.2021. godine Ugovor, broj: 32-04-7736/21 je dostavljen na potpisivanje odabranom ponuđaču INTER COM d.o.o. Zenica, koji je dana 14.12.2021. godine dostavio dopis, broj: 32-04-8048/21 u kome je obavijestio Ugovorni organ da odustaje od potpisivanja predmetnog Ugovora iz razloga povećanja cijena repromaterijala na tržištu koje je poremećeno Corona virusom i pandemijom.

Obzirom da su u predmetnoj javnoj nabavci pristigle dvije ponude i to ponuda INTER COM d.o.o. Zenica sa ponuđenom cijenom od 34.984,80 KM bez PDV-a i ponuda GP TECTA d.o.o. Travnik sa cijenom od 44.876,00 KM bez PDV-a, a da je procjenjena vrijednost predmetne javne nabavke u skladu sa Planom nabavke za 2021. godinu 35.000,00 KM bez PDV-a, utvrđeno je da odustajanjem prvoplasiranog ponuđača nije moguće ponuditi ugovor drugoplasiranom prihvatljivom ponuđaču obzirom da je ponuđena veća cijena od procjenjene vrijednosti veća za ukupno 28,21%, odnosno da je cijena drugorangirane prihvatljive ponude znatno veća od osiguranih sredstava za predmetnu nabavku.

Na osnovu gore navedenog, donesena je odluka kao u dispozitivu.

#### POUKA O PRAVNOM LIJEKU:

Protiv ove odluke može se uložiti žalba

Kantonalnoj bolnici Zenica u roku od 10 (deset) dana od dana prijema iste.

  
DIREKTOR  
Prof. dr. sc. prim. Rasim Skomorac

*Amela J. Avdić*

*[Handwritten mark]*

